

2. Ef fundinn er óleyfilegur rafbúnaður eða of stór vör skal veitunni lokað tafarlaust, og ekki opnað aftur fyrr en notandinn hefur bætt úr því, og greitt kr. 1 000.00 í opnunargjald.

V. ÝMIS ÁKVÆÐI

1. Notendum skal skylt að gefa upp tölur á kWst.-mælum í síma þegar óskað er, en reglulegur aflestur fer fram ársfjórðungslega.
Reikningur fyrir raforku er gjaldfallinn um leið og hann hefur borizt notanda.
2. Rafveitustjóri getur bannað notkun rafsuðuspenna, súgurrkunarmótora og heyblásara eða takmarkað notkun slíkra tækja við tiltekna tíma sólarhrings. Rafveitustjóra skal tilkynnt áður en slík tæki og straumfrek eru tekin í notkun.
3. Að fenginni heimild ráðuneytisins er hreppsnefnd heimilt að hækka gjöld, sem ákveðin eru í gjaldskrá þessari, til samræmis við hækkun kaupgjalds og verðlags, enda verði breytingin auglýst í Lögbirtingablaðinu með nægum fyrirvara. Í framangreindum gjöldum er innifalinn söluskattur og viðlagagjald. Raforka til húshitunar er þó undanþegin þeim.

Ákvæði bráðabirgðalaga nr. 40 30. apríl um niðurfærslu verðlags o. fl., taka og til gjalda samkvæmt gjaldskrá þessari.

Gjaldskrá þessi staðfestist hér með samkvæmt vatnalögum nr. 15 20. júní 1923 og Orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum, sem hlut eiga að máli. Jafnframt fellur úr gildi gjaldskrá fyrir Rafveitu Snæfjallahrepps, nr. 319/1969.

Iðnaðarráðuneytið, 13. júní 1973.

Magnús Kjartansson.

Jóhannes Guðfinnsson.

S A M Þ Y K K T

fyrir Vatnsveitufélag Marbælis, Melstaðs og Hlíðarhúss,
í Hofshreppi, Skagafjarðarsýslu.

1. gr.

Félagið heitir Vatnsveitufélag Marbælis, Melstaðs og Hlíðarhúss. Heimili og varnarþing þess er í Hofshreppi, Skagafirði.

2. gr.

Tilgangur félagsins er að sjá býlum á svæðinu fyrir vatni.

3. gr.

Stofnendur félagsins eru eigendur býlanna Marbælis, Melstaðs og Hlíðarhúss, Hofshreppi. Hver stofnandi greiðir kr. 10 000.00 sem stofngjald og telst hann ekki fullgildur félagsmaður fyrr en það stofngjald er greitt. Allt vatn í fjós, þvottahús og önnur þau hús, er heyra búrekstri jarðarinnar til, telst undir sama stofngjald og íbúðarhús. Félagsskylda samkvæmt 1. mgr. þessarar greinar er því skilyrði háð, að eigendum séu látin í té afnot af því vatni, sem félagið hefur til umráða.

4. gr.

Ábúendur væntanlegra nýrra býla á félagssvæðinu má taka í félagið með samþykkt lögmeats aðalfundar. Nýr félagsmaður greiðir sama stofngjald og eldri félagar og öll gjöld, sem á félaginu hvíla, til jafns við aðra félagsmenn frá því er hann gekk í félagið. Sjálfur skal hann kosta allar framkvæmdir, sem gera verður sérstaklega hans vegna, til þess að hann geti notað mannvirki félagsins.

5. gr.

Stofnkostnaður að upphaflegri aðalleiðslu vatnsveitunnar greiðist í eftirtöldum hlutum fyrir býli á félagssvæðinu. Einn þriðji hluti á hvert býli. Skal hann greiddur af stofngjöldum félagsmanna, þar sem þau hrökkva til og styrk, sem veittur kynni að verða til vatnsveitunnar. Vatnsskatt skal innheimta árlega af hverju býli á félagssvæðinu, sem vatns nýtur úr vatnsveitunni. Skal félagsstjórn tiltaka upphæð hans þannig fyrir hvert reikningsár, að nægi til greiðslu vaxta og afborgana af stofnkostnaði aðalleiðslu vatnsveitunnar og til viðhalds. Gjöld skv. 2. mgr. þessarar greinar má taka lögtaki ásamt áföllnum innheimtukostnaði, ef ekki er staðið í skilum um greiðslu gjalda til félagsins. Eignir félagsins standa til fullnægingar skuldbindingum þess. Enginn félagsmaður ber ábyrgð á skuldbindingum félagsins umfram gjöld þau, sem honum ber að greiða til félagsins samkvæmt ákvæðum þessarar samþykktar.

6. gr.

Félagsstjórn er skylt að boða til félagsfundar, ef þrjú félagar eða tveir stjórnarmedlimir krefjast þess, enda greini þeir tilefni kröfunnar.

7. gr.

Félagsfundur er lögmaður, ef helmingur félagsmanna sækir hann enda hafi löglega verið til hans boðað. Fundur er löglega boðaður, ef hverjum félagsmanni er tilkynnt fundarboðið bréfluga eða persónulega með fimm daga fyrirvara. Á félagsfundum hafa allir félagsmenn jafnan rétt og ræður afl atkvæða úrslitum.

8. gr.

Aðalfundur félagsins skal haldinn eigi síðar en 1. apríl ár hvert. Til hans skal boða með viku fyrirvara, bréfluga eða persónulega. Aðalfundur er lögmaður ef $\frac{3}{4}$ félagsmanna sækir hann. Hafi þrisvar sinnum verið boðað til aðalfundar vegna ónógrar fundarsóknar, telst þriðji fundurinn lögmaður, hver sem fundarsókn er. Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þrjú menn í stjórn félagsins og tveir endurskoðendur til eins árs í senn. Liggja önnur mál fyrir aðalfundi en venjuleg aðalfundarstörf, skal þess getið í fundarboði.

9. gr.

Stjórn félagsins skiptir sjálf með sér verkum. Störf stjórnar og endurskoðenda skulu vera ólaunuð. Formaður kveður stjórn saman til fundar og boðar félagsfundi og aðalfundi. Stjórnarfundir eru því aðeins lögmaður að allir stjórnarmenn mæti. Færa skal gjörðabók stjórnarfunda og skal ritari stjórnarinnar lesa fundargerð í lok hvers fundar og undirrita hana ásamt formanni, þegar hún hefur verið samþykkt.

10. gr.

Stjórn félagsins hefur umsjón með vatnsveitunni, annast bókhald hennar og innheimtu á gjöldum félagsins. Hún sér um viðhald og viðgerðir á vatnsbóli og aðalleiðslu. Viðhald heimæða og umbúnaðar í húsum annast félagsmenn hver hjá sér.

11. gr.

Samþykkt þessari má ekki breyta nema á aðalfundi, enda hafi breytinganna verið getið í fundarboði og séu að minnsta kosti $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Marbælis, Melstaðs og Hlíðarhúss í Hofshreppi, Skagafjarðarsýslu, staðfestist hér með samkvæmt vatnalögum nr. 15 23. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 13. júní 1973.

Hannibal Valdimarsson.

Hallgrímur Dalberg.

Nr. 194.

14. júní 1973.

S A M Þ Y K K T**um forkaupsrétt Neskaupstaðar að fasteignum í Neskaupstað.**

Neskaupstað er áskilinn forkaupsréttur að eftirtöldum fasteignum í Neskaupstað: Egilsbraut 5 og 7, eigendur Aðalsteinn Halldórsson, Björn Björnsson, Kristján P. Guðmundsson og Vigfús Guttormsson.

Egilsbraut 6, íbúð Sigurbjargar Þorvarðsdóttur.

Egilsbraut 14 og 16, sjóhús, eigandi Guðrún Eiríksdóttir.

Hafnarbraut 15, eigandi Guðröður Jónsson.

Hafnarbraut 23, pakkhús, eigandi Clipper h. f.

Hafnarbraut 25, eigandi Þorvaldur Einarsson.

Hafnarbraut 27, sjóhús, eigandi Sveinn Magnússon.

Hafnarbraut 39, sjóhús, eigandi Hafbjörg h. f.

Hafnarbraut 51, sjóhús (2), eigendur Þorbergur og Þórður Sveinssynir.

Miðstræti 7 (Svalbarð), eigandi db. Stefáns Guðmundssonar.

Nesgata 2, eigandi db. Björns Ingvarssonar.

Strandgata 7, skúr, eigandi Jósep Halldórsson.

Strandgata 11, íbúðarhús, eigandi Stefán Höskuldsson.

Strandgata 13, sjóhús, eigendur Stefán Höskuldsson og Garðar og Óskar Lárussynir.

Strandgata 17 (Nýhöfn), eigandi Guðmundur Bjarnason.

Strandgata 19, sjó- og fiskverkunarhús, eigandi Ölver Guðmundsson.

Strandgata 21, sjóhús, eigandi db. Gísla Bergsveinssonar.

Samþykkt þessi, sem bæjarstjórn Neskaupstaðar hefur gert samkvæmt heimild í 26. gr. skipulagslaga nr. 19 21. maí 1964, sbr. lög nr. 22/1923, öðlast þegar gildi og gildir í 5 ár frá dagsetningardegi hennar að telja og birtist til eftirbreytni öllum þeim, sem hlut eiga að máli.

Félagsmálaráðuneytið, 14. júní 1973.

F. h. r.

Hjálmar Vilhjálmsson.

Hallgrímur Dalberg.